



Комсомолюн ВАЙГЯЛЬ

Настойчивайста тонафнемс революционной теориять

Сталинский эпохань классический произведения—„ВКП(б)-ть историянц Краткой курсонц“ светс лисемац Ленинско-Сталинский комсомолть идейнай эряфса тись пяк оцю аськолкс инголи.

Кемотть тьожатть комсомолецт и аф союзнай од ломатть пяк настойчивайста овладевандакшнихть общественной развитиянь и политический тюреманы закоттнень мархта. Тонафнемом большевизмать стратегиянц и тактиканц, синь касыхть, кода массань организаторхт и руководителхть.

Комсомольский организациятне марксизманы-ленинизманы пропаганда одукс ладямаса тисть аф кржа. Партийнай пропаганда ладяманц колга ВКП(б)-нь ЦК-ть постановлениянц опубликованда меле революционной теориять самостоятельна тонафнемас арась главнай методкс.

Но, однака „ВЛКСМ-нь горкомтне и райкомтне,—корхтаци ВЛКСМ-нь областной VII-це конференциять постановленияса,—ашезь организовада „ВКП(б)-ть историянц Краткой курсонц“ эрь шиня сяда кржкста тонафнеманц сембе руководящай комсомольский работникнень йоткса“.

„ВКП(б)-ть историянц Краткой курсонц“ тонафнемаса цебарь кепоткст няфнихть ВЛКСМ-нь Саранский и Лямбирский райкомтне и Рузаевка ошень комитетсь, кося комсомолецне настойчивайста касфнесазь эсь идейно-политический уровеньон, но к о й-к о н а ВЛКСМ-нь райкомтне, кода, Горбеевань, Атюрьевань, Ардаговань и лиятне работань тя важнейшай участкаты кадондозь самотекти.

Руководить пропагандать мархта,—значит эряви содамс, кие и кода тонафни, содамс сяккса, штоба эсь пингстонза петемс аф сатыкскнен, лездомс ялгатненди трудносттнень машфтомаса.

Комсомолецнень политический самообразованияснонды эряви организовадамс большевистский контроль—тя горкомтнень и райкомтнень инь маластонь задачасна. Самотекти тя тевса пийге ни тутомс пе.

Марксизманы-ленинизманы тонафнеманц лангс эряви ладямс аф формальной контроль, а деловой, кода веши, штоба райкомонь и первичнай организациянц секретарьхне комсомолецнень мархта сяда сидеста йотафнелхть индивидуальной беседат, пуропнелезь синь совещаниянц, тиендельхть теоретический собеседованиянц.

Партиясь, сонь Центральной Комитетонц, лична Сталин ялгась комсомолецненьди и од ломаттненьди макссть работань, тонафнемань, творествань кели возможностьть. Тевсь ащи аныцек сянть мельге, штоба образцовайста использовандамс нят возможностьтнень, штоба атак лотксек вооружандакшнемс эсь пряцень марксизманы-ленинизманы мархта революционной теориясь.



СНИМКАСА: Саранск ошень махорочнай фабрикаса комсомольский организациять секретарец Садкова ялгась. Сонь бригадац, сувамок предоктябрьский соревнованиянц, работань норманц пашкоткшнесы 120 процентс.
Фотось В. Ивениянь.

Единодушнай одобрения

Лац ладяф Саранск ошень 44 № средний школаса „СССР-ть Государственной Трудовой Резерванзон колга СССР-нь Верховнай Советть Президиумонц Указонц“ и „СССР-нь средний школатнень и высшай учебнай заведенийтнень эса тонафнеманкса питнень пандомать колга и стипендиянь назвачандамань порядкаты полафтоманц колга“ СССР-нь СНК-ть постановлениянц тонафнемасна.

Октябрь 7-це шистонза ульсть марстонь комсомольский собраниянц, кося нят решениятнень колга содержательнай информацияда меле, вал сяссь комсомолкась Лаптева ялгась.

Ремесленнай, Железнодорожной

ФЗУ-нь тонафнихне шнасазь указть

Рузаевка. (Телефон вельде). Октябрь 7-це шистонза ФЗУ-нь тонафнихнень сембе группасон эса оцю воодушевленияса васьфтьф СССР-нь Верховнай Советть Президиумонц Указонц Государственной Трудовой Резерватнень колга. Сембе 10-це группатнень

Училищатне и Фабрично-Заводской Обучениянц школатне маластонь кизотнень,—корхтай Лаптева ялгась—максхьт минь промышленностеньконди квалифицированной пополнения.

—Тонафнеманкса питнень пандомать колга правительствать постановлениянц,—корхтай комсомолецсь Суринов ялгась,—тя яркай выражения минь народоньконь благосостояниянц касомац.

Собраниясь примась резолюция, кося пяк одобряют и приветствують правительствать нят мудрай решениянзон и ответонди теист обязуютьсэ тонафнемс аныцек от личнайста.

М. Сайгин.

Ремесленнай Училищав призывти анокламась

Сембе странаты эзга ушедсь Ремесленнай, Железнодорожной Училищав и Фабрично-Заводской Обучениянц школав васенце призывти анокламась.

Ленинградса уликс 60 ФЗУ-нь школа реорганизовандавихть ремесленнай и железнодорожной школак. Синь эсост кармавихть аноклавома квалифицированной металлист, судостроительхть, судовой механикт и железнодорожной депонь и мастерскойн калрат.

Ремесленнай училищатненьди и ФЗО школатненьди кочксевихть административно-преподавательский кадрат.

Сталинский областса Ремесленнай Училищатнень и Фабрично-Заводской Обучениянц школатнень эса кармаихть тонафнема 35.810 ломань. Тя означае, што пялекизода меле ни шахтатне и за-

воттне получайхть од квалифицированной кадрат.

„Сталинуголь“ комбинатонь предприятиянц и шахтатне 20.000 учащайнц анокламати, главным образом Фабрично-Заводской школаса, арайхть производственной базакс. Тонафнемас кармай йотнема шахтнай условияса. Мезенкса сядо оцю пласт мархта лучшей лаватне явфневихть школатненьди, кося тонафнихне цебарьста могут тонадомс горняккай специальносттнень.

Харьковский областень Изюмский райононь „Украинка“ колхозонь комсомолецне и од ломаттне лувозь, што синь колхозсна училищатненьди и ФЗО школатненьди эрь кизоня может кучемс аф 8 кржа ломань 14—17 кизонь возрастса. Но тьса желающайда пяк лама.

(ТАСС).

Рузаевка станциянц депоть комсомолецонзон обязательствасна

СО 17—99 № комсомольский паровозть бригаданц договороц

Комсомольский СО 17—99-це № паровозть бригадац улемок Сталинский 3-це пятилеткаты лемса социалистический соревнованияса, сатсь оцю успехт тьлоты аноклаф шинц колга. Марнек паровознай паркса получаць васенцеке паспортть. Но сянть инкса, штоба нинге сядо оцю успеха ознаменовандамс Октябрьский Социалистический революциять 23-це годовщинанц—минь, Рузаевка станциянц комсомольский паровозонь бригадась: Цветков, (старшай машинист), машинистне—Девятков, Сапрыгин, машинистонь помощникне Москвин, Куропаткин и Тихонов суветам предоктябрьский социалистический соревнованиянц и сьавонтяма эсь лангзонк тьфтам конкретнай обязательстват:

1. Кирдемс паровозть культурнай и образцовай состоянияс;
2. Аф нолдамс планц коря арьсэф промывкаста сьавомок промывкати модемс межпоезднай ремонт;
3. Пашкодемс вельф скоростень технической норматнень 2 километрса эрь частти;

4. Ковти вьатемс: тяжеловеснай поезатта 10, экспресса 10;
5. Экономондамс ковань пингс 20 тоннат топлива.

Тя договорть пашкодемаса терьнесась социалистический соревнованияс СО—1800-це № паровозть бригаданц.
ПОДПИСНЕ: ЦВЕТКОВ, ДЕВЯТОВ, САПРЫГИН, ШУМОВ, ТИТОВ, КИСЕЛЕВ, МОСКВИН, КУРОПАТИН И ТИХОНОВ.

СО 1800-це № паровозть бригадац тя договорть примазе оцю воодушевления мархта.

Орденоносецть-комсомолецть мечтац

1938-це кизоня комсомолецсь Сыромясов Иванц ульсь нинге Якстерь Армияса, сон яростнайста тюрсь японский самурайхнень каршес Хасан эрьхкты видеса, кона пийгть няфць исключительнай мужества и отвага и тьякса Советский правительствась казезе боевой наградаса—боевой Якстерь Знамянь ордена.

Аделамок Якстерь Армияса службанц, сон пуць инголенза задача—мезе аф тиемс, а тонадом паровозть и улемс машинистокс. Сыромясов ялгаты тя заветнай мечтац пашкодевсь. Сон службада меле аделазе ФЗУ-ть и вов ни 3-це ковсь, кода работай машинистонь помощниккокс.

Сыромясов ялгась примоси инь активной участия Рузаевка станциянц депоса рабочайхнень общественно-политический эряфса. Сон лувондови рабочайхненьди и машинистненьди цебарь ялгакс, пользовандай оцю авторитетса и ащи инициаторкс стахановский движениянц и социалистический соревнованиянц вишкптемаса.

Сон корхтай, што сувамок предоктябрьский социалистический соревнованиянц, няфтан образцовай работань примерхт и сатса, штоба маластонь пийгть эзда аран машинистокс.

Г. Горный.

ЮНКОРХНЕ

СЬОРМАДЫХТЬ

ОД ПТИЦЕФЕРМА

Птицефермась колхозти арси подсобнай хозяйствакс. Сон оцю польза максси колхозть хозяйственнай мощенц кемокстаманцы и колхозникнен трудошиснон питнеснон касомаснонды. Лувомок сон оцю значения, Кадошкинский райононь „Виде ки“ колхозсь тядден кизоть организавандась од птицеферма.

Тянийнь пингть фермаса ладяф эрявикс порядка, кемокстафт цебарь работник, конат цебарьста заботендайхть нармотнен колга.

Н. Лобанов.

„Мезе тият, кда имасть“

Сембонди содаф ся огромный пользась, конанц кандсы каньфонь видемасть государствати и лична эстиест, колхозникненди. Аф стак сонь ширезовна миньцовк шарфневи пяк оцю мяль.

Но, однак, эряви азомс, што кой-кона колхознен эса улихть нинге тянемс стама руководителхть, конат суроньбачк ваныхть нят интереснен лангс. Краснослободский районца „Пример“ колхозса тядде каньфта видефоль оцю площадь. Лац-ряц урядазь можваль сявомс эздонза кемотть тьожятть цалковайнь питне польза. Но сяс мес тянь лангс правлениясь ашезь шарфне сатомшка мяль, сонь пиледа ламоц имась. А илядыксонц ваяфтома вастса салсезь.

Страннай позиция тянь колга занясь колхозть председателе Родькин ялгась. „Мезе тият, кда имась!—восклицает сон. Кода стания мезе тият?“

Тянди наверна, ули причина, и улихть конкретнай виновник? Колхозникне вешихть правления ширде, мумс нят виновникнен и таргамс синь кеме ответственностьс.

Д. Пиксайкин.

Краснослободский р-н.

Од кочкаф ВЛКСМ-нь горкомть работанц колга

Мон, кода комсомольский од работник, йоран поделиться эсь мяльнен мархта комсомолса организационнай работан колга. Сяда меле, кода кочкамазь ВЛКСМ-нь Рузаевкань горкому секретарькс, мон васендакиге шарфтонь мяль постояннай комиссиатнен составснон лангс, конна ульсь ванф одукс бюронь четтнен и нят комиссиатнен председателснон мархта марсафка пингова, сяс мес комиссиясь сире составсь ульсь кочкаф пяк аф удачна.

Комиссиянь сире составти йофсикс аф случайна ашезь келептев сяда деятельнай работа ся или тона участкаса. Вдь, эряви азомс, што комиссиатнен марнек составсна пшкотьфелхть комсомольский возрастста лисф ломаньца, конат прокс ашезь интересовандакшне комсомольский эрек и созидательнай работан и эряфть мархта.

Тяфтама „сире“ ломаньца, на пример, ашезь культурно-массовой работан коряс комиссиясь.

Пионерско-школьной работан коряс комиссиати тяфта жа ашель кода цебарьста и спористайста работамс. Тя комиссияса председателкс ашезь Шильникова ялгась, конанди физически ашель кода пшкodemc тя политический оцю важностень поручениясь, сяс мес сон сяка пингова эсь постояннай заботадонза башка, кода старшей пионервожатой, кандсь лама комсомольский порученият. Сон

кандсь поручения, кода ВЛКСМ-нь первичнай организационнь комитетонь член, ульсь членкс Пензенский машинакин 5-це районь политотделонц видеса постояннай комиссиянь член и лама иляса, а тьяста шарьхкодеви кодама работань продуктивность и качествось.

Тяни комиссиатненди кочкафт энергичнай од активист, конатнен мархта комиссиатнен укомплектовандамда меле ВЛКСМ-нь горкомсь йотафтсь обстоятельна инструктивной беседат, максфтуказаният башка эрь работан коряс комиссиати задачанзон колга. Одс кочкаф комиссиянь председателхне по-настоящему кярмодсть васендакиге организационнай работати и улихть сембе предпосылкатне комиссиатнен работаснон цебарьгофтомаснонды.

Первичнай комсомольский организациатнен работаснон цебарьгофтомаснон инкса комсомолонь Рузаевский горкомсь арьсезь йотафтомс нят шитнен эзда организационнай кизефкснен коряс совещания и активть политический образованияц касфтоманц инкса 2 шинь семинар, конань эса обстоятельна ознакоминдайхть ВЛКСМ-нь ЦК-ть X и XI-це пленумонзон решенияснон мархта и ВЛКСМ-нь Мордовский областной VII-це конференцият решенияц мархта.

СОКОЛОВ,

ВЛКСМ-нь Рузаевский горкомть секретарец.



Октябрь 3-це шистонза аделавсь СССР-нь шахматнай XII-це чемпионатсь. Васенце и омбоце васть явозь эсь йотковаст И. Бандаревский (Ростов на Дону) и А. Лилиенталь (Моску ош) ялгатне.

СНИМКАСА: СССР-нь шахматнай XII чемпионатонь победительне И. Бандаревский (кяржи шире) и А. Лилиенталь налхкихть шахматса.

Фотось Н. Кубаевть.

Англо-германский войнась

Германский информационнай бюрось пачфни, што октябрь 6-це шистонза 7-це шинц карша веть, аф ваномок аф благоприятнай погодать лангс, германский авиациясь успешнайста одс атаковандазе Лондонть и Южнай Англиянь лама иля ошнен. Лондонца сязьф газовой оцю заводсь, тиф повреждения водонапорнай станцияти. Южнай Англияса германский самолеттне атаковандазь лама военнай заводтнен, а тяфтажа железнодорожной линиятнен, аэродромтнен, военнай лагерхнен.

Мекольден пингть германский авиациясь ушедсь йоряма огромный взрывонь вий мархта бомбат. Тяфтама бомбань взрыфнен эзда калаткшнихть метрань эчка стена. Бомбась, конна прась фкя заводонь малас, срафць 30 куд пцтай марнек.

Англиять сообщениязон коряс лувондови, што Англиять лангс Германиять сембе пингонь атаканзон коряс октябрь 7-це шинц карша весь Лондонца ульсь инь сетье. Аф куватьс моли тревогат тиендевьт аныцек кафксть. Ломанень жертвада аф лама.

Октябрь 6-це шинц каршаветь английский авиациясь тись налетт Рурский областсь нефтехранилищатнен лангс, Эссенца Круппачь военнай заводонзон лангс, Амстердамса, Роттердамса и Флиссингенца докнен и гаваттнен лангс.

Рейтер агентствась пачфни, што войнать ушedomстонза сявомок английский авиациясь бомбардировандась 200 лама военнай об'ект. 700 налетта лама ульсь тиф аныцек Германиять лангс.

(ТАСС).

Французский Индо-Китайса положениясь

Кода пачфни китайский „Дагунбао“ газетась, японский войскатне сувасть октябрь 5-це шистонза Ханон и Цзялину. Газетась пачфни, што Французский Индо-Китайнь губернаторсь аноклый, кда сатсы нужа, йотамс югу (Хайфонть эзда сяда югса ащи пунктти).

Обозревательхне азондыхть Тайть границаса (Сиам) и Французский Индо-Китайса напряженнай положениять колга. Однак, властне максихть опровержения ся сообщениати, конна корхтай Тайнь властнен мархта Французский Индо-Китайнь властнен йоткса пограничнай столкновениять и од ультиматумть колга, конна бта тиф Тайть ширде Французский Индо-Китайти.

(ТАСС).

Т. Д. Лысенко академики максф выставкань золотой Оцю медаль

Октябрь 7-це шистонза В. И. Ленинть лемса Всесоюзной сельскохозяйственной академиять президентонцы Лысенко ялгати максф Всесоюзной сельскохозяйственной выставкань золотой Оцю медаль.

Лысенко академикть работанца кафта кизотнен пингста оцю успех мархта демонстрировадакшневихть „Зерно“ павильонть и выставкань экспонатнай участкатнен эса.

(ТАСС).

Республиканский колхознай 4-це спартакиадась

Октябрь 6-це шистонза Саранск ошнен иподромса йотафт республиканский колхознай 4-це спартакиадась, коса примасть участия и Саранск ошнен инь цебарь спортсметтне.

Спартакиадать программаса ульсь легкоатлетический номерх. Гранатометаниять коряс соревнованияса аватнен йоткса васенце васть занязе Балакарева ялгась (Саранский район). Сон йордазе гранатать 28 метра 25 сантиметра, а алятнен йоткса васенце васть занязе Барадастов ялгась (Б.-Березниковский район). Сонь результатц 53 метра 55 сантиметра.

Тяда башка гранатать йорязь и спортсметт, конат аф примосихть участия конкурст эса. Тяфта Реброва ялгась (Саранск ошнен пединститутста) гранатать йордазе 34 метра 60 сантиметра, а Саранск ошнен чемпионц Несмелов ялгась — 53 метра и 40 сантиметра.

1000 метрань дистанция ласькомать оспаривали 34 спортсмен. Тя дистанциять инь курукста ласькозе Прохоров ялгась (Б.-Березниковский район). Сонь пингоц 2 минутат и 55 секунда.

Аватнен йоткса ва енце васть занязе Владимиров ялгась (Б.-Березниковский районца). Сон 500 метрать ласькозе 1 минутаста и 38,2 секундаста. Конкурст эса тя дистанциять ласькомаса сатсь замечательнай результатт спартакоскась Елистратова ялгась. Сонь результатц 1 минута 33,2 секунда.

Комотемаса личной первенствать занязе Самаркин ялгась (пединститут). Сонь результатц 5,46 метрат, Полушкин ялгась (Б.-Березниковский район)—5,34 метрат.

Аватнен йоткса васенце васть занязе Реброва (пединститут) и Набакаева (Саранский район) ялгатне. Синь результатсна 4,16 м. а омбоцет 4,2 м.

Тяка жа шиня налхксть футболса республикати инь вию команданза республикаса первенствать инкса. Налхкомась аделавсь 2:3 счетса „Спартакть“ пользас.

Купер.

Финпланц пшкотьф вельф

Атяшева велень исполкомсь колмоце кварталонь финансовай планонц пшкodemc 180,6 процентс.

Велеса инь активнай плательщикокс лувондовихть Видяев Н. И., Фролкин Ф. Г., Раздолькин Ф. К. и лия колхозникне, конат кизостакизос пяк аккуратна паннесазь государственнай заданиятнен.

Тя важнейшай тевть шири йофси аф тяфта ваныхть Хуторова П. Г., Пушлина М. М. колхозникатне и Зеленева Александра Степановна комсомолкась. Нят колхозницацне лувондовихть злостнай неплательщикокс. Богомолов.

Ответ. редакторсь И. ЧУДАЙКИН.